

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ŽEPČU
Broj: 44 0 K 038760 23 K
Žepče, 26.09.2024. godine.

U IME FEDERACIJE BOSNE I HERCEGOVINE!

Općinski sud u Žepču, sudija Sinanović Senad uz učešće zapisničara Mirele Maličbegović, postupajući po optužnici Kantonalnog tužilaštva ZE-DO kantona broj: T04 0 KT 0050661 23 od 11.04.2023. godine, protiv optuženog Z.Š., sin Č., nastanjen u Ž. ... zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH, nakon održanog usmenog i javnog glavnog pretresa, održanog dana 26.09.2024. godine, kome su prisustvovali kantonalni tužilac Kantonalnog tužilaštva ZE-DO kantona Adis Husić, optuženi Z.Š. i braniteljica optuženog Azra Močević, zaposlenica Kantonalnog zavoda za pravnu pomoć Zenica, dana 26.09.2024. godine, donio je i u prisustvu tužioca, optuženog i njegove braniteljice, javno objavio sljedeću:

P R E S U D U

Optuženi :

Z.Š., sin Č. i majke V. rođene S., rođen ... u mjestu K., SR Nj., nastanjen u Ž., ..., pismen, sa završenom SSS, po zanimanju zidar, neoženjen, bez djece, srednjeg imovnog stanja, po narodnosti Bošnjak, državljanin BiH, JMB: ..., osuđivan presudom Općinskog suda Zenica broj: 43 0 K 204255 22 K koja je pravomoćna 16.05.2022. godine za krivično djelo iz člana 238. stav 1. u vezi sa članom 31. i 54. KZ F BiH uvjetnom osudom kaznom zatvora 6 (šest) mjeseci, vrijeme provjeravanja 2 (dvije) godine,

K R I V J E

što je,

dana 14.10.2022. godine oko 21,15 sati, na području općine Žepče, u ..., prilikom kontrole učesnika u saobraćaju od strane ovlaštenih službenih osoba PS Žepče, postupao suprotno odredbama člana 4. stav 1., 2., 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), iako je bio svjestan i znao da se radi o opojnoj drogi, a što je i htio, radi prodaje neovlašteno kod sebe držao materije koje asociraju na opojnu drogu i to: pet alufolijskih paketića sa sadržajem zelene biljne materije neto masa kako slijedi: 4,198 grama, 4,244 grama, 4,239 grama, 4,324 grama i 4,213 grama, dakle ukupno 21,218 grama, zatim četiri aluoflijska paketića sa sadržajem zelene biljne materije neto masa kako slijedi: 0,687 grama, 0,694 grama, 0,710 grama i 0,709 grama, dakle ukupno 2,800 grama, za koje materije je vještačenjem utvrđeno da sadrže psihoaktivnu komponentu „tetrahidrokanabinol“ (THC), koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, koja opojna droga mu je oduzeta od strane ovlaštenih službenih osoba PS Žepče.

Dakle, radi prodaje držao opojnu drogu,

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH

pa ga sud na osnovu čl. 42, 43, 49 KZ FBiH te čl. 300. ZKP F BiH

OSUĐUJE

Na kaznu zatvora u trajanju od 1 (jedne) godine.

Shodno odredbi čl. 238. stav 4. KZ F BiH, optuženom se izriče mjera sigurnosti oduzimanja predmeta: pet alufolijskih paketića sa sadržajem zelene biljne materije neto masa kako slijedi: 4,198 grama, 4,244 grama, 4,239 grama, 4,324 grama i 4,213 grama, dakle ukupno 21,218 grama, zatim četiri alufolijska paketića sa sadržajem zelene biljne materije neto masa kako slijedi: 0,687 grama, 0,694 grama, 0,710 grama i 0,709 grama, dakle ukupno 2,800 grama, za koje materije je vještačenjem utvrđeno da sadrže psihoaktivnu komponentu „tetrahidrokanabinol“ te predstavlja opojnu drogu cannabis.

Nalaže se PU Žepče da po pravosnažnosti ove presude dostavi na uništenje nadležnom organu: opojnu drogu cannabis u količini od 23,764 grama koja je preostala nakon vještačenja.

Troškovi krivičnog postupka padaju na teret budžetskih sredstava, shodno odredbi čl. 202.st.4. ZKP F BiH.

O b r a z l o ž e n j e

Kantonalno tužilaštvo ZE-DO kantona Zenica, optužnicom broj: T04 0 KT 0050661 23 od 11.04.2023. godine optužilo Z.Š., sin Č., nastanjen u Ž. ... zbog krivičnog djela neovlaštena proizvodnja i stavljanje u promet opojnih droga iz člana 238. stav 1. KZ F BiH.

Optužnicu je potvrdio u cjelosti sudija za prethodno saslušanje ovog suda dana 28.04.2023. godine nakon čega je zakazao ročište za prethodno saslušanje radi izjašnjenja o krivnji.

Na ročištu za prethodno saslušanje, održanom dana 26.05.2023. godine, optuženi se izjasnio da nije kriv za krivično djelo koje mu se gore navedenom optužnicom stavlja na teret.

Spis je dostavljen sudiji koji je za dan 26.09.2024. godine zakazao usmeni pretres.

Tokom usmenog pretresa optuženi se izjasnio da je kriv.

Sud je izvršio uvid u dokaze priložene uz optužnicu a radi se o sljedećim dokazima: nalaz i mišljenje Federalne Uprave policije Sarajevo, Centar za forenzička ispitivanja, vještačenja i istraživanja broj: 09-18/2-03-5-2046 od 12.12.2022. godine, zapisnik o uviđaju PS Žepče broj: 08-02-13/1-86/22 od 14.10.2022. godine, zapisnik o izvršenoj radnji privremenog oduzimanja predmeta i popisu privremeno oduzetih predmeta PS Žepče broj: 08-02-13/1-62/22-49 od 14.10.2022. godine, zapisnik o otvaranju i pregledu privremeno oduzetih predmeta i dokumentacije PS Žepče broj: 08-02-13/1-86-1/22 od 27.10.2022. godine, odobrenje KT Zenica broj: T04 0 KTA 0050661 22 od 19.10.2022. godine, naredba za vještačenje KT Zenica broj: T04 0 KTA 0050661 22 od 19.10.2022. godine, fotodokumentaciju PS Žepče broj: 08-02-13/1-86/22 od 20.11.2022. godine koja se odnosi na pronalazak droge, fotodokumentaciju PS Žepče broj: 08-02-13/1-86-1/22 od 05.12.2022. godine koja se odnosi na otvaranje predmeta, izvod iz kaznene evidencije za osumnjičenog Z.Š. PS Žepče od 04.01.2023. godine i presudu Općinskog suda u Zenici broj 43 0 K 204255 22 K koja je pravomoćna 16.05.2022. godine.

U završnoj riječi tužitelj je istakao da na osnovu jasnog i potpunog priznanja krivnje koje je u cjelosti potkrijepljeno predloženim dokazima predlaže sudu da optuženog oglasi krivim za počinjeno krivično djelo te da ga kazni u skladu sa zakonom cijeneći prilikom odmjeravanja kazne pod otežavajuću okolnost njegovu raniju osuđivanost za istovrsno krivično djelo, pod olakšavajuću njegovu priznanje krivnje.

U završnoj riječi braniteljica optuženog je istakla da moli sud da priznanje krivnje njenog branjenika cijeni kao olakšavajuću okolnost na njegovoj strani prilikom odabira vrste i visine krivično -pravne sankcije te da od olakšavajućih okolnosti cijeni da on nije osuđivan do sada za ovo krivično djelo, da se radi o osobi mlađe životne dobi, da ima roditelje koji (...) i o kojima se brine pružajući im neophodnu pažnju i brigu koje su im potrebni. Predlaže sudu da mu izrekne minimalnu zakonom propisanu kaznu za ovu vrstu krivičnog djela te da ga oslobodi plaćanje troškova postupka.

U završnoj riječi optuženi je istakao da želi da nastavi život na ispravan način, da više nema kontakta sa drogom ni na bilo koji drugi način.

Da je optuženi dana 14.10.2022. godine oko 21,15 sati, na području općine Žepče, u ..., prilikom kontrole učesnika u saobraćaju od strane ovlaštenih službenih osoba PS Žepče, kod sebe držao materije koje asociraju na opojnu drogu i to: pet alufolijskih paketića sa sadržajem zelene biljne materije neto masa kako slijedi: 4,198 grama, 4,244 grama, 4,239 grama, 4,324 grama i 4,213 grama, dakle ukupno 21,218 grama, zatim četiri aluoflijska paketića sa sadržajem zelene biljne materije neto masa kako slijedi: 0,687 grama, 0,694 grama, 0,710 grama i 0,709 grama, dakle ukupno 2,800 grama, proizilazi iz provedenih dokaza.

Naime, u zapisnik o uviđaju PS Žepče broj: 08-02-13/1-86/22 od 14.10.2022. godine je navedeno da su policijski službenici 14.10.2022. godine u 21,15 časova u u Žepču izvršili radnju legitimisanja Z.Š., te je isti posjedovao kod sebe 9 smotuljaka alufolije sa sadržajem biljne zeljaste materije koja asocira na opojnu drogu marihuanu, pa je izvršen uviđaj, te je kao broj 1 označena najlonska vrećica u kojoj su se nalazili 9 alu smotuljaka sa sadržajem biljne materije te su tokom uviđaja isti iz vrećice izvađeni te vagani, a izvršeno je i njihovo fotografisanje te privremeno oduzimanje.

Da su oduzeti pronađeni predmeti proizilazi iz zapisnik o izvršenoj radnji privremenog oduzimanja predmeta i popisu privremeno oduzetih predmeta PS Žepče broj: 08-02-13/1-62/22-49 od 14.10.2022. godine u kome je navedeno da je od Z.Š. u Žepču 14.10.2022. godine u 21,15 sati oduzeto 9 smotuljaka aluminijske folije sa sadržajem biljne zeljaste materije te su navedene i bruto težine pojedinačno 5 smotuljaka te su 4 smotuljka zajedno izvagana.

Navodi zapisnika o uviđaju PS Žepče broj: 08-02-13/1-86/22 od 14.10.2022. godine i zapisnika o izvršenoj radnji privremenog oduzimanja predmeta i popisu privremeno oduzetih predmeta PS Žepče broj: 08-02-13/1-62/22-49 od 14.10.2022. godine su potvrđeni i fotodokumentaciju PS Žepče broj: 08-02-13/1-86/22 od 20.11.2022. godine koja se odnosi na pronalazak droge a u kojoj su fotografije na kojima se vidi najlonska vrećica sa 9 smotuljaka aluminijske folije različitih veličina, a u obliku loptica, te su prikazana vaganja 5 aluminijskih folija pojedinačno izvaganih i svaka posebno upakovana u koverat za dokaze, dok su preostalih 4 smotuljka zajedno izvagana i upakovana u jednu kovertu za dokaze. Da je potom odobreno od strane postupajućeg tužioca da se izvrši otvaranje i pregled privremeno oduzetih predmeta proizilazi iz odobrenje KT Zenica broj: T04 0 KTA 0050661 22 od 19.10.2022. godine a da je i izvršena ta radnja proizilazi iz zapisnik o otvaranju i pregledu privremeno oduzetih predmeta i dokumentacije PS Žepče broj: 08-02-13/1-86-1/22 od 27.10.2022. godine u kome je navedeno da je izvršeno otvaranje i pregled privremeno oduzetih predmeta a koji su oduzeti 14.10.2022. godine u

21,15 časova od Z.Š., te su navedene bruto težine alu smotuljaka koji su izvađeni iz koverata a što je potvrđeno i fotografijama iz fotodokumentacije PS Žepče broj: 08-02-13/1-86-1/22 od 05.12.2022. godine koja se odnosi na otvaranje predmeta na kojim fotografijama se vidi 6 koverata označenim brojevima od 2 do 7 dok je kao trag broj 1 označena velika koverta u kojoj su bile zapakovane navedenih 6 manjih koverata u kojima su (trag 2 do 5) u 5 koverata pojedinačno upakovani po jedan alu smotuljak dok je u 6-oj maloj kovrti označenoj kao trag 7 upakovana 4 alu smotuljka te se vidi na fotografijama da su navedene koverte otvarane nakon što su izvađene iz velike i pojedinačno vagane a potom ponovo vraćene u iste koverte te zapakovane a prilikom vaganja je otvorena alufolija da bi se vidjelo da je unutra zelena zeljasta materija.

Da su oduzeti od optuženog aluminijski paketići sadržavali zelenu biljnu materiju za koju je vještačenjem utvrđeno da da sadrže psihoaktivnu komponentu „tetrahidrokanabinol“ (THC), koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, koja opojna droga i koja je opojna droga proizilazi iz nalaza i mišljenja vještaka : nalaz i mišljenje Federalne Uprave policije Sarajevo, Centar za forenzička ispitivanja, vještačenja i istraživanja broj: 09-18/2-03-5-2046 od 12.12.2022. godine koji nalaz i mišljenje je vještak sačinio postupajući po naredba za vještačenje KT Zenica broj: T04 0 KTA 0050661 22 od 19.10.2022. godine a u kom nalazu i mišljenju se vještak izjasnio da je na vještačenje dostavljeno 9 smotuljaka u alufoliji u kojima je biljna materija pojedinačnih neto masa: 4,198 grama; 4,244 grama; 4,239 grama; 4,324 grama; 4,213 grama; 0,687 grama; 0,694 grama; 0,710 grama; 0,709 grama te da je ispitivanjem zelene biljne materije dostavljene u 9 paketića ukupne neto mase 24,018 grama utvrđeno da ista sadrži psihoaktivnu komponentu tetrahidrokanabinol (THC) u dijelu većem od zakonom propisanog te predstavlja opojnu drogu Cannabis a da Cannabis i tetrahidrokanabinol se nalaze na popisu opojnih droga, psihotropnih tvari, biljaka iz kojih se može dobiti opojna droga i prekursor Zakona o sprječavanju i suzbijanju zloupotrebe opojnih droga. Konstatovano je da je u PS Žepče vraćena navedena droga u količini koja je preostala nakon vještačenja a radi se o količini od 23,764 grama.

Krivično djelo neovlaštena proizvodnja i stavljanje u promet opojnih droga iz člana 238. stav 1. KZ FBiH čini ko neovlašćeno proizvodi, prerađuje, prodaje ili nudi na prodaju ili radi prodaje kupuje, drži ili prenosi ili posreduje u prodaji ili kupovini ili na drugi način neovlašteno stavlja u promet materije ili pripravke propisom proglašene opojnim drogama a kaznit će se kaznom zatvora od jedne do deset godina.

Shodno čl. 35 KZ FBiH krivica postoji ako je počinitelj u vrijeme počinjenja krivičnog djela bio uračunljiv i pri tome postupao s umišljajem ili s nehatom ako je nehat kada je postupanje nehatno zakonom propisano za to krivično djelo.

Shodno čl. 37. KZ FBiH krivično djelo se može učiniti s direktnim ili eventualnim umišljajem. Učinitelj postupuje s direktnim umišljajem kada je bio svjestan svog djela i htio njegovo učinjenje.

Da je optuženi predmetno krivično djelo počinio s direktnim umišljajem proizilazi iz činjenice da je on bio svjestan svog djela i htio njegovo izvršenje . On je bio svjestan da navedena biljna materija koje je posjedovao u 9 alufolijskih paketića predstavlja drogu i da je nedozvoljeno radi prodaje držati iste ali je to htio pa je radi prodaje istu opojnu drogu držao upakovanu u paketiće.

Optuženi je predmetno krivično djelo učinio u stanju uračunljivosti jer iz provedenih dokaza ne proizilazi da je u vrijeme izvršenja krivičnog djela bio neuračunljiv, smanjeno

uračunljiv ili bitno smanjeno uračunljiv.

Cijeneći priznanje optuženog i dokaze predočene od tužilaštva a koje dokaze sud prihvata obzirom da su isti logični, međusobno se dopunjavaju i potvrđuju te su potvrđeni i priznavanjem krivičnog djela od strane optuženog sud je našao dokazanim da je optuženi počinio krivično djelo i da je kriv za učinjeno krivično djelo koje mu se optužnicom stavlja na teret.

Uvidom u izvod iz kaznene evidencije sud je utvrdio da je optuženi osuđen presudom Općinskog suda Zenica broj: 43 0 K 204255 22 K koja je pravomoćna 16.05.2022. godine za krivično djelo iz člana 238. stav 1. u vezi sa članom 31. i 54. KZ F BiH uvjetnom osudom kaznom zatvora 6 (šest) mjeseci, vrijeme provjeravanja 2 (dvije) godine dok je uvidom u presudu Općinskog suda u Zenici br. 43 0 K 204255 22 K koja je pravomoćna 16.05.2022. godine utvrđeno da je osuđen za krivično djelo iz čl. 239 st 3. KZ FBiH pa sud zaključuje da je pogrešno uneseno u izvod iz kaznene evidencije da je osuđen za krivično djelo iz čl. 238. stav 1. KZ FBiH.

Za učinjeno krivično djelo sud je optuženom izrekao kaznu zatvora u trajanju od (1) jedne godine.

Utvrđenu kaznu sud je odmjerio u granicama koje su zakonom propisane za predmetno djelo, jer je za predmetno krivično djelo propisana kazna zatvora od jedne do 10 godina a imajući u vidu svrhu kažnjavanja i uzimajući u obzir sve okolnosti iz čl. 49. KZ FBiH koje utiču da kazna bude manja ili veća (olakšavajuće i otežavajuće). Prilikom odmjeravanja kazne, sud je imao u vidu svrhu kažnjavanja i sve okolnosti koje utiču da kazna bude manja ili veća (otežavajuće i olakšavajuće okolnosti), a naročito: stepen krivice, pobude iz kojih je djelo počinjeno, jačinu ugrožavanja ili povrede zaštićenog dobra, okolnosti pod kojima je djelo počinjeno, raniji život učinitelja, njegove osobne prilike i njegovo ponašanje nakon počinjenog krivičnog djela. Kao olakšavajuće okolnosti na strani optuženog sud je cijenio slijedeće: da je u cjelosti priznao krivično djelo čime je ubrzao i pojednostinio krivični postupak i prilike u kojima optuženi živi.

Kao otežavajuću okolnost na strani optuženog sud je cijenio činjenicu da je optuženi ranije učinio krivično djelo u vezi s opojnom drogom i da izrečena uvjetna osuda nije na njega uticala da više ne čini nikakva krivična djela.

Radi svega navedenog, sud smatra da se u ovom slučaju samo sa kaznom zatvora u navedenom trajanju može ostvariti svrha kažnjavanja predviđena u čl. 42. KZ FBiH i svrha krivičnih sankcija predviđena u čl. 7. KZ FBiH i da će navedena mjera kazne biti dovoljna za ostvarenje navedene svrhe.

Shodno odredbi čl. 238. stav 4. KZ F BiH, optuženom se izriče mjera sigurnosti oduzimanja predmeta: pet alufolijskih paketića sa sadržajem zelene biljne materije neto masa kako slijedi: 4,198 grama, 4,244 grama, 4,239 grama, 4,324 grama i 4,213 grama, dakle ukupno 21,218 grama, zatim četiri aluoflijska paketića sa sadržajem zelene biljne materije neto masa kako slijedi: 0,687 grama, 0,694 grama, 0,710 grama i 0,709 grama, dakle ukupno 2,800 grama, za koje materije je vještačenjem utvrđeno da sadrže psihoaktivnu komponentu „tetrahidrokanabinol“ te predstavlja opojnu drogu cannabis, obzirom da je zakonom propisana obaveza oduzimanja opojne droge od počinioca predmetnog krivičnog djela.

Nalaže se PU Žepče da po pravosnažnosti ove presude dostavi na uništenje nadležnom organu opojnu drogu cannabis u količini od 23,764 grama koja je preostala nakon

vještačenja.

Troškovi krivičnog postupka padaju na teret budžetskih sredstava, shodno odredbi čl. 202.st.4. ZKP F BiH imajući u vidu materijalne prilike u kojima se optuženi nalazi .

Zapisničar
Mirela Maličbegović

S u d i j a
Sinanović Senad

POUKA: Protiv ove presude može se izjaviti žalba Kantonalnom sudu u Zenici u roku od 15 dana od prijema presude. Žalba se podnosi putem ovog suda u 3 primjerka.